

**1. JAVNA USTANOVA KANTONA SARAJEVO ZAVOD ZA ZDRAVSTVENU ZAŠTITU STUDENATA UNIVERZITETA U SARAJEVU**, sa sjedištem u Sarajevu, ul. Patriotske lige br. 36, koju zastupa v.d. direktor dr.sci.med. Žana Pozderac, primarijus specijalista interne medicine - subspecijalista kardiolog (u daljem tekstu: Izvršilac usluga)

i

**2. ELEKTROTEHNIČKI FAKULTET UNIVERZITETA U SARAJEVU**, sa sjedištem u Sarajevu, ul. Zmaja od Bosne bb, koga zastupa dekan prof.dr. Samim Konjicija (u daljem tekstu: Naručilac usluga)

Zaključili su dana 26.09. 2017.godine

## UGOVOR O PRUŽANJU ZDRAVSTVENIH USLUGA

### Član 1.

Predmet ovog Ugovora: **obavljanje sistematskog i sanitarnog pregleda za 100 radnika Elektrotehničkog fakulteta** u periodu od 05.10.2017.godine – 11.10.2017.godine, u skladu sa Zakonom o visokom obrazovanju ("Službene novine Kantona Sarajevo" broj 33/17).

### Član 2.

Sistematski pregled iz člana 1. ovog Ugovora obuhvata sljedeće:

- proširene laboratorijske pretrage (kompletna krvna slika, diferencijalna krvna slika, sedimentacija, urin, urea, kreatinin, ŠUK, bilirubin, ASAT, ALAT, GGT, holesterol, željezo, trigliceridi, ac.uricum, proteinogram),
- ljekarski pregled specijaliste interne medicine –subspecijaliste kardiologa sa očitanjem EKG-a i nalazom,
- ljekarski pregled specijaliste neuropshijatra,
- mišljenje psihologa,
- ljekarski pregled specijaliste ginekologije i akušerstva,
- ljekarski pregled specijaliste dermatovenerologa,
- ljekarski pregled specijaliste oftalmologa,
- ljekarski pregled doktora stomatologije/specijaliste opće stomatologije,
- spirometrija,
- radiografija pluća prema indikacijama,
- ljekarski pregled specijaliste medicine rada sa izvještajem.

Sanitarni pregled (uzimanje brisa nosa i grla na betahemolitički streptokok grupe A, uzimanje i pregled koprokulture), podrazumijeva sanitarnu knjižicu i upis rezultata u istu, a isti će obaviti nadležna institucija JU Zavod za javno zdravstvo Kantona Sarajevo, u prostoru Izvršioca usluga.

### Član 3.

Ugovorne strane saglasne su da cijena sistematskog ljekarskog pregleda sa navedenim sadržajem iz člana 2. ovog Ugovora, u skladu sa Ponudom broj 03-01-1727/2017 od 12.09.2017.godine iznosi 30,00 KM, pojedinačno, bez PDV-a, odnosno 35,10 KM pojedinačna sa uračunatim PDV-om. Ukupna cijena sistematskog pregleda za 100 radnika Fakulteta bez PDV-a iznosi 3.000,00 KM, odnosno 3.510,00 KM sa uračunatim PDV-om.

Ugovorne strane saglasne su da cijena sanitarnog pregleda iz člana 2. ovog Ugovora, u skladu sa Ponudom broj 03-01-1727/2017 od 12.09.2017.godine iznosi 25,00 KM po radniku, bez uračunatog PDV-a, jer isti ne podliježe obračunu PDV-a.

### Član 4.

U cijenu usluge iz člana 3. ovog Ugovora ne ulaze usluge navedene u Posebnoj ponudi, a odnose se na 24h Holter monitoring srca i krvnog pritiska, PAPA test i ultrazvučni pregledi dojki, abdomena i štitne žlijezde, jer se isti regulišu posebnom fakturom.

### Član 5.

Plaćanje po ovom Ugovoru će se izvršiti po obavljenim pregledima svih radnika Naručioca, ispostavljanjem fakture od strane Izvršioca usluga.

Naručilac se obavezuje platiti fakturu u roku od 30. dana po prijemu iste.

### Član 6.

Izvršilac usluga je dužan da za obavljeni sistematski ljekarski pregled izda izvještaj na obrascu ZP-2 za svakog radnika.

### Član 7.


Sve eventualne sporove po ovom Ugovoru ugovorne strane će rješavati sporazumno, a u protivnom je nadležan Sud u Sarajevu.

### Član 8.

Ovaj Ugovor je sačinjen u četiri (4) istovjetna primjerka od kojih svaka ugovorna strana zadržava po dva (2).

#### NARUČILAC USLUGA

Prof.dr. Samim Konjicija




Broj: 02-3325/17

Sarajevo, 21.09. 2017.god.

#### IZVRŠILAC USLUGA

Dr.sci.med. Žana Pozderac, primarijus  
specijalista interne medicine  
subspecijalista kardiolog



Broj: 03-02- 1845 /2017

Sarajevo, 26.09. 2017.god.